



JABATAN PERDANA MENTERI  
KUALA LUMPUR

Telefon: 201957  
Kawat : PERDANA

---

Ruj. Kami : 17479/14

Tarikh : 14 Oktober 1983

### **SURAT PEKELILING AM BIL. 8 TAHUN 1983**

Semua Ketua-ketua Setiausaha Kementerian.

Semua Ketua-ketua Pengarah Jabatan Persekutuan.

Semua Ketua-ketua Badan Berkanun.

#### **Pemakaian Tanda Nama**

Adalah diperhatikan bahawa semenjak kakitangan kerajaan dan badan-badan berkanun memakai tanda nama sebagai satu daripada usaha untuk meningkatkan perkhidmatan awam khasnya dalam bidang perhubungan awam, berbagai cara dan warna telah digunakan.

2. Untuk menyeragamkan pemakaian dan penggunaan tanda nama ini, peraturan-peraturan berikut hendaklah di ikuti:-

- (a) semua tanda nama hendaklah dibuat daripada plastik dengan huruf berwarna putih berlatarbelakangkan hitam dan berukuran 7.5cm x 2.5 cm seperti contoh yang dilampirkan,
- (b) hanya satu nama sahaja digunakan,
- (c) tidak ada had huruf dan saiz yang dikenakan dan sekiranya ejaan nama itu berlebihan ia hendaklah dipendekkan atau dikecilkan untuk dimuatkan ke dalam ukuran tanda nama yang telah ditetapkan,

- (d) gelaran-gelaran darjah kebesaran, keturunan, 'profesion', akademik atau 'initial' tidak boleh dituliskan,
- (e) nama jawatan dan logo Jabatan juga tidak harus dimasukkan dalam tanda nama berkenaan, jabatan-jabatan yang hendak menggunakan logo Jabatan, ianya hendaklah diadakan secara berasingan dari tanda nama,
- (f) tanda nama hendaklah disematkan dibaju di dada sebelah kiri, dan
- (g) tanda nama hendaklah diasingkan dari pas keselamatan.

3. Pesanan permulaan bagi anggota Jabatan-jabatan yang baru sahaja hendak menggunakan tanda nama dan bagi Jabatan-jabatan yang terpaksa menukar tanda nama bagi mengikut peraturan-peraturan yang tersebut di atas bolehlah dibuat dan dibayar daripada peruntukan Jabatan masing-masing. Bagi menggantikan tanda nama yang rosak atau hilang mereka yang berkenaan hendaklah membayarnya sendiri.

4. Perubahan kepada tanda nama yang seragam ini bolehlah dibuat secara berperingkat-peringkat mengikut kemampuan jabatan masing-masing. Dengan ini adalah diharapkan tidak lagi timbul kekeliruan berkenaan dengan penggunaan dan pemakaian tanda nama.

**'BERKHIDMAT UNTUK NEGARA'**



( TAN SRI HASHIM BIN AMAN )  
Ketua Setiausaha Negara.

s.k.:

Y.B. Setiausaha-setiausaha Kerajaan Negeri.

